

四庫全書

集部

欽定四庫全書

粵西叢載卷十五

桂林府通判汪森編

西粵靈芝

宋太平興國間象州文廟芝艸生產三莖五彩俱備舊有靈芝記通志下同

大中祥符間詔天下造天慶觀昭州守蕭公卜地於城東二里建之觀落成靈芝生祥光見蓮花生並頭一時

有三瑞因繪圖獻秘書省校書郎傅營作三瑞圖頌

元豐元年秋八月昭州資壽寺芝草生

宋史

紹興間靈芝產於賀縣甑山下人以為兆范祖禹之來

也通志
下同

元末蒼梧芝草生在呂仙像指間未幾而明一統矣

明洪武年間賀縣靈芝生永樂年間又生人以為周張

發解之兆

成化六年蒼梧紫芝生時三本占有太平兆明年果開

三府都御史韓雍作軒有記

成化十三年全州有芝產於文廟右楹

嘉靖十三年西粵藩臣許應元進芝二十本其色有赤白青黃黑紫徑至尺八寸有光者有輪菌如山岳者上命採芝令於玄嶽龍虎三茅齊雲五岳諸靈山採之遠不能及余游都嶠見靈芝生干石上九莖綠葉朱實有光未傳服食之方終不敢採赤雅

嘉靖三十四年梧州府有靈芝生於梧山書院通志

紫泉

宋淳熙十六年鬱林紫泉出

通志

廣西貴縣縣南鬱江之旁有紫泉無源偶現紫色輒符
佳應自是邑人每候以為祥洪武元年十一月己未泉
出溢流于江其色深紫光潔可染時葉琛勅諭交趾州
守鄒天奇為之頌又云其水有兩派共出其出不常出
則有異應自縣門流下者必擢賢守令或出英俊縣上
流下者應在僚屬其水長而狹色如紫練

一統志下同

紫泉在鬱林州南二里舊名濯纓泉忽變紫改今名

橫州學前西邊有一穴每遇科舉歲春分前後微雨時有紫水一道湧出須流過學前則中舉人必多如不及者止可一人有歲直至州城門外其年中舉者六人

明天順六年賀縣桂嶺鄉大龍塘水流盡紫其色光輝照耀上下經旬不變是歲大兵征其鄉俘獲寇數千流水皆赤人以為紫泉凶兆按是年平桂嶺時明孝穆太后方十歲將臣以幼女津送京師選入大內後誕孝宗

始知紫泉之兆為非常云

萬曆十九年五月博白縣登高嶺左小河流紫水士民觀之七日而止

鳳見

吳黃武四年秋七月蒼梧鳳凰見

通志下同

南漢時邕州鳳凰見時王弘澤鎮邕有善政

宋景德元年夏五月白州三鳳見飛自南來入城中羣鳥旋繞隨之至萬歲寺前棲於百尺木龍樹身長九尺

高五尺其羽文五彩俱備冠如金杯

文獻通考

大中祥符元年象州鳳凰見其羽備五彩羣鳥皆從之翔集城東倚錢嶺忽飛去其地湧出一泉味甘美土人呼泉為鳳凰井

元至正十一年慶遠鳳凰見時有雙異禽羽備五采飛集述昆鄉羣鳥千百隨之蓋鳳凰也其一飛去一棲止為獵人射殺或藏之獻於帥府久而色鮮

元史

一乳四子

嘉靖二十三年春三月橫州民陸安妻一乳四子勒竹
村人懷娠十五月生一女三男通志

野蠶成繭

宋大中祥符五年夏五月滕州鐸津縣野蠶成繭滕州
素不產桑蠶食山柘而成州人異之緘絲以獻通志下同

紹興二十二年夏五月容州野蠶成繭

天象徵異

唐泰和四年慶雲見於賀縣之丹甑山五彩氤氳旬日

不散是年李邵來任因更名瑞雲山

通志下同

宋開寶七年梧州大雨壞倉廩漂流民居

咸平元年夏五月昭州淫雨大水民溺死者五百十一人

嘉祐三年夏六月邕州颶風大作城樓民屋盡壞幾無留甓

咸淳十年蒼梧雨血著於草木行人衣服赤

元祐二年二月太白經天猺寇陷賀州

至正元年廣西大雨水山崩水漲灘江泛濫地深二丈
餘屋宇人畜多漂沒

明洪武十七年梧城漫天大雪不殊北方

洪武三十年冬十月熒惑犯南斗

宣德九年夏五月南寧府不雨郡守李晟齋沐虔禱於
天寧寺以副都統茂淨典厥職五日克應黑雲蔽空雷
電交作其霖如注燈燭盡滅二刻許雨晴天淨衆僧見
殿前甌上有月明識三字非墨非粉傍有巨人足迹微

濕人咸異之有碑存

景泰四年冬柳州大雪河魚凍死幾盡

成化二年太白曳入南斗

成化二十一年蒼梧大雨漂流民居數萬推移州岸城
埋幾沒

弘治二年春三月二十日巳時賓州忽天色昏暗狂風
大作自西北起走石折木尋驟雨迅雷大雹如雞子破
屋害稼殺鳥雀傷牛畜未時稍止

弘治甲寅夏四月柳州暴雨數日城垣崩塌幾百丈公私第宅傾頽漂流無算

弘治丙辰春三月賓州淫雨數日夏四月又暴雨山崩地陷洪水泛溢田苗傷堤岸橋梁歧路盡衝決近江民居多漂流

弘治庚申秋八月十一夜融縣大星隕約長丈餘飛自西南隕於西北

正德辛未春二月朔夜博白忽疾風暴雨城樓多崩公

署民居倒塌過半

正德十年九月富川縣雷擊西山崩七處

正德乙亥冬十一月蒼梧卦露降於府學遍凝於樹其
卦如蜜十二月五日蒼藤天鼓鳴白日中天大震一聲
起自東南止於西北

正德十一年夏五月慶遠西北方星隕約長五六丈蜿
蜒如龍蛇燭爍如掣電須臾而滅

秋七月博白淫雨公署民居多崩塌人畜渰死甚衆凡

二旬乃霽

正德丁丑夏四月十一日來賓大雨雹天忽冥迷風雨
暴作雹落大如雞子破屋折木殺鳥雀遷江縣亦然
秋七月懷集大雨水牛畜多渰死

嘉靖甲申冬十月慶遠天鼓鳴十二月二十六日已時
西南方天鼓鳴如雷震地

嘉靖乙酉夏六月二十六日象州大風雨公署城樓軍
民房屋多倒塌河船沉溺渰死男婦甚衆

嘉靖十年春二月全州雨雹如彈自辰至巳

嘉靖十四年三月容縣雨雹大者如梅小者如豆

嘉靖十九年春富川縣雷擊儒學門牆是年毛熙擢魁
嘉靖二十一年壬寅春三月十一日夜三更賀縣忽大
風從西而東南颶沙飛瓦古樹大可十圍連根拔起所
至有樓板磚砌吹疊成堆者

夏四月全州暴雨有飛石隕柳山應泉池

秋八月熒惑掩南斗杓

嘉靖二十六年春二月夜風雷摧全州學宮松傷戟門
梁柱

嘉靖二十九年六月富川縣白日有聲如洪濤號激自
天而下移時聲住雨如注後大旱

嘉靖辛亥正月元旦五更太平府雷震府署桄榔木及
庖中滌器時南寧同知余光署事

嘉靖三十五年夏彗星見於桂林西方

秋七月十四日夕星隕於太平西南光燭戶庭

嘉靖三十六年春橫州大雨雹是日未時州北三十里
交椅銀水六村長寨等地忽震雷暴風雨雹大者如米
升小者如雞卵有柄有三角至七八角者者傷村民二
十餘人牲畜禽獸無算車輪皆瓦飄散竹木枝葉如削
野草擊爛一室雹積注地約二尺許

嘉靖四十二年夏六月十四日丙午夜有流星自桂林
東南過西北光芒如畫

嘉靖四十三年冬十一月夜月明而桂林大雨雹

萬曆五年彗星見西方其長亘天尾直射月宮光芒燭天數日不滅冬又見次年大征府江二十餘人

萬曆七年五月北流縣大雨漂沒城垣民舍溺死男婦

萬曆十年十月興業縣大風拔木發屋

萬曆二十二年懷集縣春雹秋旱

萬曆二十三年二月容縣雨雹如飛石秋旱

萬曆二十五年丁酉春昭平縣雷發櫺星門是年廖蕭鄉舉

萬曆三十五年彗星見

萬曆辛亥二月桂林大風忽起西北天色黃赤不移刻
水雹大墜如碗如盤壞官署民居屋瓦殆盡林麓鳥獸
死者無算

萬曆四十二年乙卯春昭平縣城中雹

萬曆四十六年八月至十月桂林每夜東方見一巨星
長丈餘空中懸有白氣形如刀鎗長矛又如白布自北
鋪南竟天

泰昌元年九月二十二日桂林天鼓鳴天裂閃光如晝有聲如雷

天啓二年二月平樂大雷連震七次霹倒鳳凰山大松崇禎元年懷集大雹三年春又雹秋旱

地震

明天順七年秋七月乙未象州地震次年大饑

通志下同

正德庚午春三月二十七夜太平地震夏六月十七夜梧州地震震一二刻其聲隱隱如雷次日白毛遍地長

三四寸許

正德七年六月北流地震

正德癸酉秋八月南寧地震宣化地震有聲隱隱如雷
來自西北止於東南

正德丁丑冬十二月望太平地震有聲隱隱如雷

正德庚辰夏六月二十七夜梧州地震

正德辛巳九月初四夜太平地震次夜又震起於東南
止於西北

嘉靖十四年四月容縣地大震者二次是歲饑

嘉靖三十四年春三月初七日太平地震屋棟有聲

隆慶六年武緣縣地震

萬曆二年七月朔懷集縣地震望日又震

萬曆十四年十二月十八日平樂府地震瓦房俱響

萬曆二十六年桂林地震如雷

萬曆三十二年夏五月二十八日亥時桂林地震六月初四日再震八月二十六日亥時震十一月又震

萬曆三十三年容縣地震自西至東聲如霹靂是歲穀價騰湧

崇禎八年五月平樂地震河山響如雷吼

崇禎十二年五月初八日桂林地震有聲

山崩地陷水溢

宋元豐八年春二月甲戌賓州嶺崩地陷宋史

元至元二十七年靈川大藏山石崖崩通志下同

至正七年四月靜江山崩水湧灘江溢

至正九年秋七月靈川臨江石崖崩

明永樂二年夏五月陽朔大水蛇龍羣作山谷成淵
成化十八年春陽朔大水壞屋百餘城崩殆盡

嘉靖元年夏五月全州大水萬鄉四都山崩水涌陷田
數百頃陽朔大水五日不消人遭溺甚衆七月蒼梧大
水漂民廬舍萬餘

嘉靖四年冬十二月都司地陷大門左旗纛廟前忽有
聲如雷陷地一穴濶二丈五尺深一丈次日離前穴三

丈許復陷一丈濶二丈深二丈有青氣一道上衝數丈
良久始散

嘉靖八年陽朔縣邑山崩白面山崩壓死民人張鳳銀
妻女三口屋宇牛羊俱碎

嘉靖十四年夏五月武緣縣大水沒城崩岸民大流殍
蒼懷大水漂廬舍千餘間沒城郭人多乘舟筏至岡壘
田廬蕩壞

嘉靖十六年夏四月全州大水城圯者半大傷田稼平

樂府水漂室廬害稼五月恭城水溢入城田稼浸沒民

大饑蒼梧大水東南民舍盡沒

嘉靖十七年秋武緣縣大水漂流民舍委積如山

嘉靖二十七年夏六月全州萬鄉四都山裂水三道汎
衝民屋土田成河

嘉靖四十三年龍隱山崩

隆慶五年布政司地陷是歲獨秀山崩石約一丈餘

隆慶六年夏五月大水堯山崩懷集賀縣大水漂沒民

舍六月亦如之

萬曆六年春正月臨桂東鄉冷水村地崩陷震聲如雷周廣約十丈深不可測

萬曆十四年三月懷集古城大水岳山麓崩魚鼈盡絕人涉水多生疽七月梧州城大水南門城內水高一丈五尺廬舍田禾盡遭淹没蒼梧漂民舍八百一十六家藤縣二百四十家鬱博北流皆受水害官發穀賑之

萬曆四十三年七月恭城縣墊江山崩出蛟平樂河水

暴漲魚死塞江水不可食民掘泉取水

萬曆四十五年八月恭城縣雨下如注山澗水湧連崩

一十三嶺

天啓七年五月三江大水漂沒民房甚衆

崇禎元年七月宣化縣大水灌城丈餘近河民舍漂蕩
殆盡

崇禎十七年興業縣葵山腳崩百餘丈

地浮光

嘉靖四十二年冬十月靈川日未出地浮白光旣出現
青輪高一丈復常明通志

石吐烟

萬曆十七年七月博南縣治南五十里有獅子石吐烟
幾與雲參移時而止通志

植物祥異

南宋大明七年正月乙酉鬱林珊瑚連理生太守劉勔
聞於朝宋史

宋景德四年象州居民園內芥菜生蓮花

通志下同

元豐間橫州大理丞梁世基宅生連理荔枝神宗有御

製詩

元至順間象州雲錦橋北池中白蓮產雙頭是歲大稔
明永樂中南寧宋村嘉禾生禾結一大實如雞卵好事
者以金飾為酒盃故老有及見鄧揮使所後失所在
成化元年夏五月武緣縣泮宮生並頭蓮是年姚惠梁
廷器領鄉薦人以為瑞蓮之應

弘治己酉夏間太平儒學內月池蓮生並頭是秋蒙斐
顧真同薦鄉試其先兆也

弘治十四年冬灌陽縣竹生豆角楓結梨實

正德十四年六月富川縣蓮塘村開並頭蓮二朵是年

張惠舉於鄉

正德十五年富川縣楓樹結梨實

嘉靖二十三年富川縣竹結實如米其年饑民採而食
之

萬曆九年辛巳賀縣重修三乘寺寺後一柿木大尺餘
沙彌斧之忽兩開中有用力不同四字兩邊俱有字迹
衆異之白於縣而貯之庫

嘉靖十一年懷集縣桃李四季有實

萬曆七年懷集縣一禾二穗

崇禎十一年戊寅恭城縣禾穗兩岐大豐

崇禎十六年夏五月賀縣城內陳侯祠前榕樹大十餘
圍忽枝上發赤紅蘭花二朵大如掌是年冬月土寇作

崇破城奪印後三省兵勦平之

慶遠災兆

府境初昏或半夜將旦時有星大如杯光焰紅赤吐芒曳尾自半空飛下凡所落之地必有回祿之災俗謂之火殃蓋熒惑之變也

慶遠府志下同

初昏時西南上有星色白而吐芒焰俗謂之賊星又曰偷牛星凡所見之歲峒蠻必叛蓋櫛槍蚩尤之變也府境内或陰暝彌月霪雨霏微日出無光月見復昧氣

象慘皆兵象也不逾時即有峒蠻之亂

境內春夏間或大霧暝迷咫尺莫辨人物須臾為風掀
而日色晴明則主旱或野草遍為蟲蝕狀如火燎或絲
爪藤逐節結核狀如木癭皆旱之兆

境內或有赤蟻長半寸許生翅而飛時觸人面目或羣
撲燈火主大水之兆

若春間田螺盛產亦主是年有水

瑞兆

嘉靖五年十二月十一十二日嚴霜成粉池水皆米人

皆以為瑞

慶遠府志

銅鼓灘占休咎

銅鼓灘其聲轟轟如雷或如火炮作戰鬪聲游魚皆驚
懼古識謂水乾至烏口當出狀元郎後唐同光中水乾
出邑人梁嵩果登進士第一

西事珥

銅鼓灘聲流細細則民居安轟然而震則有火盜平南
將軍灘亦然

潯州府志

漱玉泉禱雨

白石山漱玉泉歲旱鄉人齋沐鳴鐘禱之則泉水傾注

可灌田

潯州府志

登仙崖占休咎

登山崖時有聲聞鼓吹則民樂歲豐聞戰鬪則民疲兵

起潮水泉水盈涸不時邑人祀以卜歲

潰州府志

佛像動

嘉祐中邕州佛寺塑像其手忽振動晝夜不止未幾交

陞入寇城幾陷其後又動而儂智高反圍城卒陷之屠
其城熙寧元年又動郡守錢師孟知其不祥亟取投之
江中遂無他異

葉少蘊避暑錄話

邕州交寇後城壘方完有定水精舍泥佛輒自動搖晝
夜不息如此踰月時新經兵亂人情甚懼有司不敢隱
具以上聞遂有詔令置道場禳謝動亦不已時劉初知
邕州惡其惑衆乃昇像投江中至今亦無他異

沈括夢溪筆談

妖眚

嘉靖三十六年冬十月南寧有妖眚其妖未審何物傳自北地而來歷江西及廣東遇夜入人家淫穢或如星或如蝠或如猴如犬或有黑氣似有尾爪能傷人淫者當之輒流黃水而斃家家夜聚擊鑼鼓持竹柳枝以防之來則聚擊之則散為星火頃復堆為一毬衝簷而去至三十七年二月復轉至州境村鄉騷擾如前數月乃

熄南寧府志

西志多載嘉靖丙辰間黑眚之訛此事自大江以南皆

被其惑相傳有黑氣入室或為飛虫鳥獸間薨薨有聲
遭者輒迷悶不省擊之則火光迸散旋復合成一火毬
衝簷而去氣盛者力與之搏若損皮膚流黃水不止則
死用兵仗刺之卽反自傷又云其至必先作硫黃氣或
如燒布絮氣予往聞之親中其害者云見陰雲中擁一
馬首向鼻間旋繞數四細聲作人言云馬驅精人所為
馬驅精人所為遂昏迷久之聞鑼聲始覺又云郡中捕
得一道士用馬毛數莖撲結吹入人家門內其怪便作

不敢寘之法止逐之去而已然患亦隨息按嘉隆聞見記妖人馬祖師流寓湖之烏鎮民沈松家以幻術惑衆有物如蝴蝶入人家變幻飛走異狀擊之則刀杖傷人夜魅魘人至死其黨毛益等數十輩誘惑愚民約以九月甲子起兵事洩參政劉燾督兵擊賊追及南潯盡殲之獨祖師以術逸去事在丁巳九月此妖益其黨分之四方惑衆者粵右民尚鬼宜其為害獨甚也

西事珥

龍見

吳永安四年有山白龍見

通志下同

唐龍朔四年龍降於靈川時縣西山風雨雷電七晝夜
既霽山腹洞貫成嵒廣百餘尺嵒中石壁皆印龍鱗溪
水從嵒流出可通舟楫而舊溪為平陸

元至正間興業縣南十里村民見一馬從石中出食草
居人撲殺分食惟一老嫗子婦三人不食是夜雷雨大
作電光中人見蒼龍從空中下其嫗驚仆覺有人喝曰
急出無顧家母子遂出上小山因極立化為石其村遂

為大池人呼曰馬塘

明嘉靖五年二月容縣大水連漲數日水退見兩岸龍車軌迹

嘉靖壬子春宣化縣龍見

嘉靖壬子春宣化縣飛龍見

萬曆二十二年甲午夏昭平縣蛟起明源江化為龍
萬曆四十五年丁巳八月初四日恭城縣陰雲密布雨
下如注山澗水湧連崩一十三嶺樹木拔折緣江鱗介

之物死者無算巨木散材河涯堆積如山人云有蛟龍出焉

萬曆四十六年夏六月恭城縣諸溪不雨而漲仲家廖洞傳有龍鬪日夜不休山水若決率皆泥淖

泰昌二年四月龍池井出神龍大雷雨

虎害

宋淳化元年冬十月桂州有虎害時州民多罹害聞於朝遣使祛之通志下同

正德丙子至嘉靖太平有虎害白晝當道雖百為倡亦被傷咥人見一白額禿尾者不畏兵器傷人尤多
正德丁丑慶遠府虎入城為害廂鄉之民死於虎者尤多

嘉靖十四年夏五月初五日有虎入太平郭白晝不去居民殺之十五日虎又入郭不去民又殺之廿五日虎又入郭民悉殺之三虎相繼入郭而亡

嘉靖十五年八月興業縣猛虎為害民禱於城隍七虎

斃於一日

隆慶五年六月龍隱山白晝獲虎

萬曆元年融縣清流鎮南寨一帶村鄉虎出害人數年乃息虎三五成羣途間數十人行就中搏一人而去置之復來逐取人晚踰垣升屋書於村傍搏噬無虛日時倉官莫賽經置壇建醮禳之錄被害者附醮壇薦度已得男婦老幼三百餘又數年乃息不啻千餘命矣厥後數十里田荒人竄村落丘墟

萬曆十五年長安鎮虎災舊鎮上樂極村男婦幾五十口噬之餘十八人別村未若是酷者有靖州獵師至得四虎其患乃息融虎傷例請師人超度亡化故師巫利之每誑民此虎乃馮家所放神虎不可殺殺之將自及愚民信之間有得虎者奸猾恐以皮不送官將舉首爾故益惕惕不敢加一矢

獸異

唐會昌元年夏四月桂州有馬生駒三足能隨羣牧通志

同下

咸通三年柳州馬生角

明嘉靖四十二年秋七月太平府有熊入郭居民殺之其雌後夜至數夕而去

嘉靖四十五年正月荔浦縣野鹿入城

萬曆七年荔浦有牛生兩犢

崇禎十三年庚辰恭城鄉民獻白兔

雞異

明正德十五年富川縣雞生四翼通志

鼠異

明洪武二年三月太平府有白鼠渡江自南而北晝夜不絕未幾頒降府州各衙門印信通志下同

弘治十三年九月四日融江水紅黃數日民大疫鼠殺稼

嘉靖二十四年富川縣鼠數百成羣食田禾竹生實是歲饑

崇禎丁丑至己卯平樂城鄉鼠皆變為臊鼠身小眼細
每二三相角其聲咷咷如蛩吟

黑螭

唐會昌中邕州黑螭見時李位都督邕州有黑螭鼓江
流壞北岸直城南河覆船害人久乃去通志

巨魚

嘉靖三十五年七月太平府有巨魚長丈餘出游水面
凡三日乃止其鯉魚之鬚皆聯於尾見者怪之通志



粵西叢載卷十五

欽定四庫全書

集部

粵西叢載卷十六

詳校官原吉士臣瑚圖禮

主事銜臣徐以坤覆勘

總校官庶吉士臣朱齡

校對官助教臣羅萬選

謄錄監生臣劉家瑛

欽定四庫全書

粵西叢載卷十六

桂林府通判汪森編

粵西雪

雪
南州多無雪霜草木皆不改柯易葉獨桂林歲歲得
雪或臘中三白然終不及北州之多靈川興安之間兩
山蹲踞中容一馬謂之嚴關朔雪至關輒止大盛則度
送至桂林城下不復南矣

虞衡志

下同

粵西風

風廣東南海有颶風西路稍北州縣悉無之獨桂林多
風秋冬大甚拔木飛瓦晝夜不息俗傳朝作一日止暮
七日夜半則彌旬去海猶千餘里非颶也土人自不知
其說余試論之桂林地勢視長沙番禺在千丈之上高
而多風理固然也

駱越

史記元鼎六年漢兵至南粵粵桂林監居翁諭告甌駱

旱餘萬口降 通典曰貴州古西甌駱越又曰襄陽縣

漢之中盧駱越人徙此 益州記曰交趾有駱田仰潮

水人為駱人有駱侯或自名駱將漢代蜀王子將兵來
討駱侯自稱安陽王尉佗滅之 路史曰今貴治鬱平

益古甌駱周書載言云潘州古甌駱越之地而史記亦有

西甌駱交趾九眞之域十道記號駱侯姚姓李奇說故九眞

有駱田邑有駱越水其散居襄或云甌閩誤餽伸學海下同

且甌

周書王會解曰且甌文蜃 路史曰郭璞以建安為西
甌非此集韻音嘔駱越別種郡國志鬱林西越也故杜
佑云西甌即言西以別東爾 窦宇記鬱林廢黨州經
善勞縣即古西甌居

倉吾

周書王會解曰倉吾以翡翠 路史曰梧之倉吾縣元
始六年開蒼梧郡地廣東至湘潭

桂國

周書王會解曰伊尹為四方令曰正南甌鄧桂國損子
產里百濮九茵請令以珠璣璠瑁象齒文犀翠羽為獻

路史曰桂國見四方令經云八桂在貴禺東今番禹益

桂陽也

區吳

路史曰區吳蒙之東區漢之荔浦也

南越封畛

凡郡之土宇秦氏分制罷侯置守列為四十 南海郡

南越之域今南海始興義寧海豐恩平南陵臨賀高要
感義晉康臨封開陽高涼連城新興銅陵懷德潮陽等
郡地皆是桂林郡南越之域今始安平樂蒙山開江
蒼梧潯江鬱林平琴安城賀水桂林象郡龍城融水朗
寧懷澤寧仁寧浦橫山循德龍池永定等郡地皆是

象郡南越之域今招義南潘普寧陵水南昌定川寧越

安南武義龍水忻城九真福祿文陽日南承化玉山合

浦安樂海康溫水湯泉郡皆是

鄭樵
通志

秦始皇三十三年置桂林南海象郡以謫徙民五十萬人戍五嶺與越雜處資治通鑑

唐開元十道其十曰嶺南道古揚州南境今廣循潮漳

韶連端康恩高春封辯瀧新潘雷羅儋崖瓊振已上廣府

管內桂昭富梧賀龔象柳古嚴已上桂府管內容藤義寶禹白廉

繡黨牢嵒鬱林平琴已上容府管內欝林平琴二州又複名邕賓貴橫欽潯

瀼龍田武環澄已上邕府管內安南驩愛陸峰湯萇福祿龐已上

安南管內福祿一州復名凡七十州焉其五府又管羈縻州東南際海西極羣

蠻北據五嶺其名山有黃嶺及鬱水之靈洲焉

黃嶺在廣州實

安縣靈洲在廣州

桂水出桂州臨

南海縣鬱水之中

桂水出桂州臨

歷昭富梧

三州界入鬱水鬱水一名浪水

廣州等

歷藤梧封康端廣六州界入海

廣州等

歷貢賦蕉綺落麻調以綺

布端州調蕉布康封

廣州等

歷貢賦蕉綺落麻調以綺

二州調以落麻布厥貢金銀沈香甲香水馬翡翠孔

雀象牙犀角龜殼龜鼈綠藤竹布

融象二州貢金桂邕昭柳等五十餘州貢

銀桂州銅盤連州細布鍾乳崖欽二州高良薑廣州竺

廣州安南並貢龜殼

廣州安南並貢龜殼

循振二州五色藤盤振州班布食單安南及潮州蕉安

廣州安南並貢龜殼

廣州安南並貢龜殼

南檳榔鮫魚皮萃毛愛麗等州孔雀尾驩州象牙藥犀

廣州安南並貢龜殼

廣州安南並貢龜殼

角金薄黃屑沈香漳潮等州鮫魚皮甲香韶州竹子布

廣州安南並貢龜殼

廣州安南並貢龜殼

閩州甲香詹糖香廣潮高循峰邵等州及安南蚺蛇膽

廣州安南並貢龜殼

廣州安南並貢龜殼

春韶瀧廣等州石斛雷州絲電富州班布白石英蒙州
麸金古州蠟容州朱砂銀欽州翡翠毛陸州玳瑁鼈皮
翠毛甲香峰州芷蔻福祿邵二州白
臘福祿龐二州紫餅木昆州桂心 其遠夷則控百越

及林邑扶南之貢獻焉通志

唐制粵西諸郡每年常貢 始安郡

貢銀百兩
今桂州

普寧

郡貢朱砂二十斤水銀
今容州

臨賀郡貢銀三十兩
今賀州

平樂

郡貢銀二十兩
今昭州

臨江郡貢銀二十兩
今龍州

潯江郡貢銀二十兩
今富川

郡貢朱砂二十斤水銀
今昭州

蒙山郡貢麸金十兩
今蒙州

開江郡貢班布五端
今富川

修德郡

貢銀二十兩
今嚴州

定川郡貢銀二十兩
今牢州

寧浦

郡 貢銀二十兩

象郡 貢銀二十兩

感義郡 貢銀二十兩

今藤

寧仁郡

貢銀二十兩

今象州

懷澤郡

貢細白苧布十

今貴州

龍城郡

貢銀二十兩

今柳州

恩平郡

貢銀二十兩

今恩州

通典

杜氏

嶺南五府

唐天寶元年嶺南五府經略綏靜夷獠統經略清海二軍桂容邕交四管治廣州兵萬五千四百人經略軍在廣州城內兵五千四百人清海軍在恩州城內兵二千人桂府兵千人容府兵千一百人邕府兵千七百人安

南府兵四千二百人已上兵輕稅本鎮以自給資治通鑑

唐嶺南道

蠻為州九十二隸峰桂邕都督并安南都護府山堂考索

五管

嶺南之地曰五管乃統治之名曰廣管曰桂管曰容管

曰邕管曰瓊管

楊慎丹
鉛總錄

宋廣南節鎮詩括

廣南九鎮 番禺號清海桂林為靜江慶遠龍水鎮肇

慶端溪邦建武維邕管永慶維晉康寧遠容江域靜海
瓊山疆融水名清遠九鎮列南荒玉海下同

廣西五鎮

節度 州 郡名

靜江 靜江 始安 桂林灘水桂筦桂部八桂

慶遠 宜 龍水 宜城宜水宜陽

建武 崑 永寧 邕管樂昌邕郊

寧遠 容 普寧 容管容江

清遠 融 融水 玉融

宋中興帥藩

東則廣州西則靜江

靜江

經略安撫二十五郡 寶祐五年命制置大使

桂林 八桂 桂管 襄蠻帶海為會府 五筦之地桂為大 西控龍編東連鯨海 地控諸蠻疆連五嶺 地聯五嶺川東三江 左控荆衡東接嶺海為一都會 修戎兵用遏蠻方 疆分五嶺 疆分五筦連江山參帶之雄戶雜羣蠻有鱗介衣裳之俗

撫御之宜有赤子龍蛇之別牧伯之任在嚴師父
母之間 宣威丹徼 領郡二十五羈縻州七十二
控制雄劇 銅柱之邦戈船之道 羈縻七十州封
畛四千里風清氣淑 東接嶺海右控蠻荒 晉陶
侃鎮江陵都督交廣忠順勤勞 唐李靖平嶺南為嶺南
撫慰大使桂州總管 王晙為都督築城務農 唐
經略之地甚重 專西南一面之寄 幕府無南鄉
之慮 曹克明始置溪洞司而兼領之 陸詵嶺外

處畫無不當者 余靖奏團結訓練土丁以備邊經制

五筦恩信 著嶺外 張栻范成大 援著安交趾之績固陳

靖日南之方 祖宗之制不以武人為大帥專制一
道必以文臣為經略以總制之

安南貢獻

交趾國本南域之地唐交州總管也至德宗改安南都
護州梁正明中土豪曲承美專有其地送款於梁帝因
授承美節鉞國朝乾德初交州帥號天聖王私署丁璉

為節度使自開寶以來皆受朝廷爵命貢奉不絕開寶六年五月甲寅璉遣使朝貢戊寅封璉靜海節度八年又遣使朝貢謝恩太宗興國五年黎桓遣使以丁璿為名獻方物十一月朔黎桓遣牙校江巨煌王詔祚八年五月庚午黎桓遣牙史趙子愛九月丁卯交州黎桓遣使雍熙二年二月甲申三年九月癸巳權交州三使留後黎桓並遣使貢物淳化五年三月乙亥交趾郡王黎桓遣使貢物真宗咸平元年九月癸亥黎桓獻駒象四

景德元年六月甲子黎桓遣子攝驩州刺史明提三年
桓死四年八月乙丑黎龍延遣其弟来貢賜峰州刺史
明祚殿中丞黃成雅等來貢辛巳授龍延靜海節度使
交趾郡王賜名至忠又封黎桓為南越王祥符二年十
二月癸未交州黎至忠遣使來貢并獻駒犀一上以犀
違土性不可豢畜欲拒而不納又慮逆至忠意俟其使
還乃令縱之三年三月壬辰李公蘊遣使入貢封交趾
郡王五年四月戊申七年八月己巳並遣使貢方物乾

興元年四月丙寅李公蘊遣使貢方物仁宗天聖五年十月癸巳南平王李公蘊遣其驩州刺史季公顯來貢方物慶歷三年三月乙亥交州獻駒象五

山堂考索

交趾本南越唐安南都護府開寶六年四月丁璉貢方物以為靜海節度安南都護聞嶺南平懼而內附八年五月貢犀及象牙八月七日封交趾郡王興國二年十二月貢方物七年三月丁璉貢方物八年黎桓貢通犀孔雀尾九月貢金器雍熙二年二月貢金龜鶴賀乾明

節三月九月復入貢端拱元年閏五月朝貢淳化元年
十月貢綉龍鳳繖至道二年七月賜以美玉帶三年封
南平王咸平元年九月獻馴象二年獻犀牛四年貢馴
犀一象二七寶裝金瓶一景德四年七月黎龍延修貢
請賜九經祥符二年十二月癸未貢馴犀一上令縱之
海涘三年三月授李公蘊交趾郡王以祀汾陰修貢五
年四月貢方物七年七月言敗鶴柘蠻貢馬獻捷八年
貢方物天禧三年八月貢犀角象齒乾興元年四月貢

方物景祐元年十一月辛亥李德政獻方物及象二慶

厯三年三月乙亥獻象闕六年十二月庚戌獻象十

帝方

獮召其使扈從賜紫袍塗金帶七年正月庚辰御宣德門閱交州貢象

至和二年十一月李日尊貢象十嘉祐三年六月丁卯

貢異獸二以為麒麟狀如水牛樞密使田况請但稱異獸使殊俗無我欺八月癸亥御崇政殿召近臣宗室觀

之八年正月辛亥貢馴象九熙寧五年又貢象元豐五

年六月乾德貢犀二元祐六年四月甲申入貢賜錦袍

東帶紹興十四年六月十七年九月天祚貢方物十二
月賜鞍馬十六年六月二十九日獻象牛二十年二月
二十九日貢馴象十二六年八月二十一日庚寅賀
升平獻黃金器明珠沉香翠羽綾絹馬十象九三十一
年正月六日貢象乾道九年六月貢方物王海

明會典云洪武二年遣使朝貢因請封爵詔封為安南
國王永樂四年以其臣篡立發兵討平之宣德間遣使
來謝罪請命因宥而封之今三年一朝貢別有進中宮

東宮方物其或以慶慰謝恩等事來貢者不在三年一
貢之例朝廷有大事遣使頒詔於其國其國王請封亦
遣使行禮其貢物 金銀器皿 薰衣香 降真香

沉香 速香 木香 黑線香 白絹 犀角 象牙
紙扇

今通志所載貢物 金銀爐花瓶四副 銀盆一十二
口 沉香九百六十兩 速香二千三百六十八兩
降真香三十株 白木香五十件 中黑線香八千株

白色土絹二百疋 犀角二十座 象牙二十枝

其差遣陪臣三員 通事一名 行人四名 隨人十

三名

安南三路

粵西入安南有三路 一路由憑祥州出鎮南關一日至文淵州一路由思明入丘溫者過摩天嶺一日至思陵州一路由龍州入一日至平西隘嶠南
瑣記

永樂十四年五月英國公張輔言自廣東欽州天津驛

經猫兒港至涌淪佛淘從萬寧縣抵交趾多由水道陸行至二百九十一里比丘溫故路近七驛傳以便往來從之

典彙

祿州龍州

祿州本太平屬後淪入交州與龍州接壤土司遇喪事賄賂之來其酬必倍祿州以千金賄龍州龍州以為餌已辭不受祿州憾之遂尋兵戈讐鬪不已辭曰逋其賄金千緡也

嶺南
瑣記

宋時坑治

宋時廣西有銀坑令供銀置場發賣又有銅坑鐵坑鉛
坑錫坑鬱林輸鐵二萬七千五百斤潯州輸鉛二萬二
千二百斤賓州輸鉛五千一百斤邕州輸鉛五千金昭
州輸鉛六千斤賀州出錫尤盛輸錫一萬二千六百斤
柳州輸錫二十四百斤合璧
事類

慶遠諸坑

宜山縣在宋時有寶積監在坡西二百五十里乃河池

州西境設監官一員管坑戶穴地深五七丈或至十餘丈取礦砂入爐煉一晝夜始成鉛汁又入小爐再煉之始成銀以充貢時已未歲其坑崩陷坑丁皆壓死遂罷不敢採而廢其監今地皆屬土官又有玉田塲在城西南一百五十里為河池州東北境其設官管坑丁採礦以貢皆如寶積監其廢亦同又有富安監在城南一百六十五里宋設監官管坑戶採砂以貢其砂脈延綿白石中坑戶以火燬石鑿而取之得砂凡四等大則顆塊

次則箭頭又次則顆粒餘皆末砂價以是為等差自後
猺賊叛亂坑丁逃散砂脈亦盡絕遂罷不採而廢其監
又有樂耕場在府西北二百三十里去普義寨五里宋
時設坑丁開鉛坑以應經略司取需後以猺獞叛亂坑
戶逃竄遂罷不採而廢其場

慶遠府志

置南寧柳州二衛并慶遠府

洪武三年置南寧柳州二衛廣西行省言便宜三事一
曰廣西地接交趾雲南所治皆溪洞苗蠻性狠戾而叛

服不常府衛之兵遠在靜江數百里外卒有警急難相為援乞於南寧柳州立衛置兵以鎮之庶苗獠有所憚而不敢竊發民有所恃以安其生二曰慶遠故府也今為軍民安撫司雖統地十有七州其地皆深山廣野其民多安撫同知莫天護之族天護素庸弱不能禦衆而宗族強者動肆跋扈至殺河池縣丞益讓與諸蠻相扇為亂此豈可姑息以貽禍將來乞罷安撫司而復設慶遠府置軍衛以守其地庶幾其民知有府治不敢自恣

諸蠻知有重兵而不敢為亂此久安之道也三曰廣海之俗素犷戾動相讐殺因而為亂則一方皆讐盜緣郡縣無兵以制馭之故也近羣盜轉攻鬱林州同知王彬集民兵拒之經歷徐承祖亦以民兵千餘敗賊由此言之土兵未必不可用也乞令廣西邊境郡縣長官輯民丁之壯者置衣甲器械籍之於有司有警用以捕賊無事則使之務農如此非惟郡縣無養兵之費而民實賴之以安也奏至詔俱從之遂設南寧柳州二衛益兵守

禦改慶遠安撫司為慶遠府命莫天護赴京賞同知王
彬經歷徐承祖以下有破賊功者

黃光昇昭代典則

均廣西鹽數

宋淳熙六年臣寮上言切見廣西州郡恃鹽以為
闕而制其輕重之權者轉運使也然一路地理之遠近舟車
之便否戶口之多寡商賈之去來郡異而縣不同如邕
宜融等州民戶稀少不通行旅所賣之鹽不過本處而
常患數多昭賀之林賓柳等州當東西水陸要衝食鹽

既多益而發泄而常患數少欲望我聖慈下臣此章於
運司使之度一路利便之要別行裁定於公家無所虧
於民間無所害實為一方久遠之利

山堂考索

行鹽

粵西食鹽非地所產皆取給於粵東粵東饒而粵西瘠
商不樂至不得已官自為市蓋自唐劉晏行常平鹽歲
取贏錢百餘萬以給軍餉官祿行之至今國朝以楚之
長寶衡永四郡柳道二州皆附於桂林行鹽每歲於粵

東買七千五百引引十四包包百二十五斤官造船給
值及往返工費一歲二運遣官統之而商分任焉又許
私帶十之一謂之商鹽與官鹽搭配出售取其餘息以
餉營兵歲可得二萬緡但鹽出於東東人往往齧訛西
商商益重困而奸偽百出雖欲禁之不可得已

百粵風土記

開荒田

新龍等州山田揀荒平處以鋤鋤開為町疃伺春雨丘
中貯水即先買鯢魚子散於田內一二年後魚兒長大

食草根並盡既為熟田又收魚利及種稻且無稗草乃

齊民之上術也

嶺表錄異

三田

交州地氣暑熱一歲田三熟冬種春熟春種夏熟秋種

冬熟廣志

石膏山

蒼梧彰平縣有石膏山望之皎若霜雪

裴氏廣州記

斑石

蒼梧廣信縣之壽鄉有孤嵒嵒有斑石石皆五色

輿地志

蒼梧耕象

舜葬蒼梧下有羣象常為之耕

異物志

帝舜丹朱商均皆葬蒼梧

山海經蒼梧之山帝舜葬於陽帝丹朱葬於陰則丹朱亦稱帝矣注云竹書后稷放帝朱於丹水水經又云赤水之東有蒼梧之野舜與叔均之所葬也是商均亦葬

於此

嶠南瑣記

舜葬蒼梧之野非

舜南巡狩崩於蒼梧之野葬於江南九疑是為零陵
荆曰昔舜命禹曰朕耄期倦於勤汝惟不怠總朕師舜
以天子為勤故老而使禹攝也夫天子之職莫勤於巡
守而舜猶親之卒死於外而葬焉惡用使禹攝哉是必
不然或曰虞書稱舜陟方乃死孔安國以為升道南方
巡守而死禮記亦稱舜葬於蒼梧之野皆如太史公之
言予獨以為不然何如曰傳記之言固不可据以為實

籍使有之又安知無中國之蒼梧而必在江南邪虞書
陟方云者言舜在帝位治天下五十載升於至道然後
死耳非謂廵守為陟方也嗚呼遂使後世愚悖之人或
疑舜禹而非聖人豈非孔安國與太史公之過也哉

司馬

刻
光史

禹廵蒼梧

東漢書陳蕃傳曰昔禹廵狩蒼梧見市殺人下車而哭
之曰萬方有罪在予一人

資治通鑑

百丈山

百丈山在桂林郡城東北七十五里一名把杖山叠障深重連延西南數百里四接郡界莫窮遠近自府北驛路徑穿其中俗以崎嶇險阻故以百丈名之又以林巒深邃行人皆持兵仗以防猛獸因亦名把杖山

桂林風土記

龍蟠山

龍蟠山本名盤龍山有石洞深致洞中天然石室石牀石盆洞門數重人秉燭遊常見龍迹大如椀洞有水水

中有魚四足有角如龍形人殺之即風雨晦冥立至也
前使李渤給事改為隱山連其所也

桂林風土記以上二則出太平御覽

象州西山

象州西山與象山相連風土記云刀兵永不見西山最高現說者以儂智高陳進之猖獗至境或自退或敗亡土人以為應讖

嶺外代答

桂林癸水

癸水桂林有古記父老傳誦之略曰癸水繞東城永不

見刀兵矣水灘江也

虞衡志

府江

府江源出海陽至平樂會樂荔諸水南趨梧州會端州入於海自平樂郡城至昭平一百餘里兩岸峰巒壁立中通一江灘瀧三百六十片帆孤影如入無人之境自昭平至龍門六十里始隱隱有茅茨焉過此則蒼梧界矣曰府江者別於左右二江也

平樂府志

湘水

湘水至清雖深五六丈下見底了了然其碎石若樗蒲子大五色鮮明白沙如霜雪赤岸若朝霞

羅含湘川記

灘浪二水

粵右有灘浪二水浪水今志俱失其名然其源流尚可考也按水經浪水出武陵鐸城縣北界沅水谷南至鬱林潭中縣與鄰水合注水出無陽縣縣故鐸城也又東至蒼梧縣為鬱溪又東至高要為大水注鬱水鬱林之阿林縣東逕猛林縣之西南元封五年交州自蘆陵移治於此又云禱過之山浪水出焉南流注於海

嶠南瑣記

龍州

龍州即古龍編建安中立州治時有蛟龍蟠編於南北

二津故名

崎南
瑣記

裸川

桂林東南邊海有裸川海上有裸人鄉桓譚新論呈衣

冠於裸川

焦氏
說考

容州三洞天

洞天第二十都嶠山洞

周迴一百八十里名曰寶玄洞天在容州普寧縣仙人劉根治之

第二十一白石山洞

周迴七十里名曰秀樂長真天在鬱林州南海之南也又曰和州舍山縣是白真人治之

第二十二岣嶁山洞

周迴四十里名曰玉闕寶圭天在容州北流縣屬仙

人錢真治之

張君房雲
笈七籤

秦五嶺

張耳傳秦北為長城之役南有五嶺之戍注師古曰嶺者西自衡山之南東窮於海一山之限耳而別標名有

五裴氏裴淵

一云廣州記云大庾始安臨賀桂陽揭陽是為

五嶺鄧德明南康記曰大庾嶺一也桂陽騎田嶺二也

九真都龐嶺三也臨賀萌渚嶺四也始安越城嶺五也

裴說是也

輿地志一曰臺嶺亦名塞上今名大庾二曰騎田三曰都龐四曰萌渚五曰越嶺王海

嶺南四關

嶺南四關廣之康浦故關賀之荔平連之故秦湟溪容之

鬼門

兩石相對中
闊三十步

羈縻莊州之桂嶺

本隋牂牁郡地南
百里有桂林關

王海

鬼門關崑崙關

桂嶺九驛至象南左右分兩岐皆適二百里而阻山南北十餘堠攢峰疊嶂萬仞蔽天中鑿險道而度號曰關右岐由賓而之邕交曰崑崙關左岐由貴鬱林而之雷瓊曰鬼門關遷客流人遠投海表生還者稀

彬江集

唐靈渠

地理志桂州理定

今興安

西一

里有靈渠引離水故秦史

祿所鑿後廢寶歷初觀察使李渤浚斗門十八以通漕

俄又廢咸通九年刺史魚孟威以石為錙限亘四十里

植大木為斗門至十八重乃通巨舟

邕州鬱水自蠻境七源州流出民常

苦之景雲中司馬呂仁引渠分流以殺水勢自是無沒溺之害

李渤傳桂有灘水出

海陽山世言秦命史祿伐粵

見嚴安傳

鑿為漕

通道嶠南馬援討

徵則復治以通餽後江水潰毀渠遂淤淺每轉餉役數

十戶濟一艘渤釅浚舊道障泄有宜舟楫利焉

國初漕臣邊調

嘉祐憲臣李師中乾道師臣李浩皆修是渠紹熙甲寅十二月庚申師臣朱晞顏等重修紹興二十九年十二月臣僚言廣西靈渠接全州大江其

渠僅百餘里詔漕臣修復以通漕運漢傳嚴安書

曰秦使尉屠睢攻越使監祿鑿渠運糧深入越地淮南

王安書曰秦使尉屠睢擊越監祿鑿渠通道漢武戈

船之師出零陵下灕水馬伏波餉南征之戍開鑿尊順

而渠之利益闢海

王玉

三江

從桂林下平樂蒼梧為府江柳州慶遠思恩為右江潯州南寧太平為左江府江灕江也與湘水同出海陽山而分流故曰灕灕入南海湘入洞庭右江一曰黔江自牂牁來逕柳慶入於潯左江發源交趾經麗江南寧至潯與右江合三江匯於蒼梧入於海

謝肇淛百粵風土記下同

溫泉

溫泉有五一在象州東土人云熱水江二在富川一在融縣一在懷集之齊嶽山

司命井

鬱林郡有石井半甘半淡潛通江波冬夏常盈名曰司
命井周給閩境也其井水竭即土人疫稼穡不登以為

候廣州記

山空

陽朔道上一山高十餘仞體圓而皺內全空宛如栗殼

戍卒有栖止其中者

嶠南瑣記下同

嶺險

自定理西行蘭麻烏沙諸嶺險絕皆刺天蜿蜒迤連之
狀又極隘僅容足每遇嶺則直上至絕頂乃下下底澗
水乃已度澗又復上如此者三四程聞之飛雲九折勢
雖險峭尚可乘驃車跨馬而行不至若是也

究

竺芝扶南記南方山溪間謂之究有西古郎究金山郎
究越裳究九德究南陵究文郎究無勞究又徵側走入

金谿究

九磴泉

融州河水有泉半嵒將注其下相次九磴每磴下一白石浴斛承之如似鑄造嘗有人携一婢取下浴斛中浣巾須臾風雨忽至其婢震死所浣巾斛碎於山下自別安一斛新於向者

段成式酉陽雜俎

潮泉

廣西桂林府有聖水夜半則潮上日中則潮下每日如

常略不愆期

一統志下同

遷江縣有潮泉泉水湧出一日三潮

思恩府有湧泉井其水一日三湧

貴縣有潮泉其水盈涸不時或遇祈饗一日至三四十潮漢冊其神為澄瀾公唐設湘水縣於此至宋廢

弘治三年陽朔縣龍潭水潮一日三次通志

綠泉

橫州有綠礬山出綠泉多產礬石

一統志
下同

潯州府城南有綠水在曠野中天然怪石甃其旁水泉

深碧清澄中有巨魚人不敢捕

泉呼即應

泉有呼之可出者富川有犀泉坎深丈許長三四丈橫可七八尺蘿陰掩靄覆蔭坎上觀者呼之泉應聲即出須臾漾溢盈坎又思恩縣婆娑泉欲飲者呼之飲盡而止又潯州白石山有漱玉泉尤異每鐘鼓動則湧噴而來聲息泉亦隨縮涸竭如故

西事珥

桂林泉水

桂泉多可飲而白龍為最梧惟水井清冽餘無中醉茗
材也

嶠南
瑣記

銅柱

後漢伏波將軍馬援征南蠻立銅柱為漢界而南蠻懼
不敢侵 晉地理志曰南郡象林注今有銅柱漢立此
為界 隋書大業元年劉方敗林邑逕馬援銅柱南八
日至其國都刻石紀功 唐南蠻傳環王本林邑本漢
縣象林 其南大浦有五銅柱山形若倚蓋周十
里 西重嵒東

涯海漢馬援所植也至明皇時詔何履光以兵定南詔
取安寧城及鹽井復立馬援銅柱乃還 馬總傳元和
中以虔州刺史遷安南都護廉清不撓用儒術教其俗
政事嘉美獠奄安之建二銅柱於漢故處鐫著唐德以
明伏波之裔 舊唐史馬總元和四年兼御史中丞充
嶺南都護本管經略使在南海累年清廉不撓夷獠便
之於漢所立銅柱處以銅一千五百斤特鑄二柱刻書
唐德以繼伏波之迹以綏蠻功加金紫八年轉桂州刺

史桂管經略觀察使 地理志後漢遣馬援討林邑蠻
援自交趾尋海隅開側道以避海從蕩昌縣南至九真
郡自九真援至其國開陸路至日南郡又行四百餘里
至林邑國又南行二千餘里有西屠夸國鑄二銅柱於
象林南界與西屠夷分境以紀漢德之盛其時以不能
還者數十人留於其銅柱之下至隋乃有三百餘家南
蠻呼為馬留人 柳宗元集安南都護張公銘曰疆場
之制一彼一此而不可常乃復銅柱為正制鼓鑄既施

精堅是立固圉之下明若白黑易野之守險逾丘陵

五代史晉天福五年楚馬希範平羣蠻自謂伏波之後

立銅柱於溪州

高一丈二尺入地
六尺銘誓狀於上

溪州西接牂牁兩林

南通桂林象郡希範乃立銅柱以為表命學士李臯銘

之水經注楊氏南裔異物志曰昔馬文淵積石為塘

達於象浦建金標為南極之界林邑記曰建武十九年

馬援植兩銅柱於象林南界與西屠國分漢之南壘也

太平御覽俞益期牋曰馬文淵昔立兩銅柱於林邑

岸北有遺兵十餘家不反居壽冷岸南對銅柱悉姓馬
馬有二百戶交州以流寓號曰馬流山川移易銅柱今
沒在海中正賴此民以識故處玉海

銅柱南方處處有之皆言馬援所立唐史南蠻傳林邑
國南大浦存五銅柱漢馬援所立也南詔傳元宗詔何
履光以兵定南詔取安寧城復立馬援銅柱乃還援雖
征蠻未嘗渡海而林邑於唐為環王地在交州南海行
三千里乃至豈援之所嘗至邪意者蠻人古有銅柱中

程大昌

繁露

間援因其故制立之以堅蠻信邪

銅柱之說不一南裔異物志馬文淵積石為塘達於象
浦建金標為南極之界然不言幾柱而愈益期牋云文
淵立兩銅柱於林邑岸北有遺人十餘家居壽冷岸南
與銅柱對皆以馬為姓山川移易今在海中則非今憑
祥分茅銅柱矣而唐南蠻傳謂唐林邑南大浦有五銅
柱山形若倚蓋馬援所植銅柱而曰山其巍聳可知今
銅柱未聞若是偉也又開元間何履光以兵定南詔取

安寧城復立銅柱柳子厚以為復立者乃安南都護楊舟豈文淵所立銅柱固多亦經交人毀仆獨憑祥分茅

與中國為界得久存邪又馬總元和中為安南都護建

二銅柱於漢故地饒著唐德五代晉馬希範平羣蠻亦立銅柱於溪州總與希範皆自謂伏波裔故也今皆不

知何處

瑣記
嶠南

伏波銅柱有二一在憑祥州屬思明府南界一在欽州

分茅嶺則交趾東界也

西事
珥

壺城

牂柯既與龍融二江合遇柳州宛轉環遶如壺形謂之壺城蓋水北來還轉向北東處如壺之領城則居其腹也柳州廻互交錯而水從之所謂江流曲似九廻腸者又太平亦稱壺城其北皆曰壺闕但較龍城差狹耳龍城蓋五石之瓠而太平則甌甄也

西事
碑

五屯所

五屯所居荔浦斷藤府江藤縣之中當斷藤峽右臂及

白石寨十二磯濛江口之衝為諸猺要道其間山泉佳秀獸木豐麗田沙衍沃足以裕其居而遏其患洪武間立所近增置城堡集獐兵以守之

典彙

東江驛

東江驛在虞山西南二三百步黃澤由矣方來注之匯為靜流東與灘江隔一洲洲上莎楚萋密而驛之前竹樹林樾交接互映暎靄陰亞水一灣澄碧若染予語驛丞曰汝何福得此清况丞對云賴公之福但如此好景

丞亦無那不得常看之爾

南嶠記

廣西試院

貴州解額四名三年大比峨冠博帶應舉於有司者七百人舊附試於象歷紹熙三年秋移附於橫州從士子之請也是歲宴鹿鳴郡守陳公昭嗣以詩贈舉人云二十四峰稱小桂山明木秀本從來莫言勸爾修常禮猶勝聯鑣得異才越嶠喜迎千里雪禹門專聽一聲雷慈恩塔上題名處為破天荒一快哉後士子赴試不便於

開禧二年丙寅申請于漕臺就本州自試至嘉定六年
癸酉科方從本州申請從此創立貢院自此以定試矣

志通

象州城門畫象

象州郡治西樓正面西山山腹忽起白雲狀如白象經
時不散然不常有案秦象郡乃交趾非象州也今象州
城門畫一白象不審何義然象州自昔不遭兵革凡有
大盜皆相戒以不宜犯象鼻然則城門之畫象豈著此

也邪

嶺外

代答

天繪亭

昭州郡圃有亭名天繪建炎中郡守李丕以與金國年號同欲更之乞命於徐師川久而未得有范某者為易

名清輝

春渚記聞云
滋易名清輝

范已揭榜而師川來揭李視積壤

中有片石斑斑如有文字取而滌之乃此亭舊記

春渚記聞

云乃丘濬寺丞所作其略云予擇勝得此亭名以天繪取其景物

自然也後某年月日當有俗子易名清輝者可為一笑

考其命名之日與此不差今亭在西山福聖寺攷亦不

存志
李堅

吳道子畫二石

夫子小影石按几而坐從以七十二弟子夫子行像石
吳道子所畫夫子立而顏子從以上二石俱宋紹興中
郡守何先覺刻置寧浦縣學各有記名勝

逍遙樓三字

逍遙樓三字後有大歷丁巳顏真卿書字全無結構有

俗氣下筆正如糊餅兩走之轉處法亂乃掾手之下者

何以辱曾公

嶠南
瑣記

橫槎浦

仙槎亭在城西北隅登高嶺上州人九日登高處相傳
晉咸元中隱士董京遇一仙人秋夜橫槎于浦宋紹定
間郡守張垓因建亭曰仙槎按志橫槎浦距城西南十
里源出山谷流入鬱江有枯槎橫于灘上枝葉扶疎其
色如漆光瑩照人故有橫槎館秦少遊嘗寓焉名勝志
下同

海棠橋

綺川亭在橫州治南臨鬱水海棠亭在州西海棠橋側舊多海棠樹故名有淮海堂在海棠亭之後為宋秦觀建按少遊以紹聖初削職編管橫州有書生祝姓者居海棠橋側少遊嘗醉宿其家作詞

平樂亭閣

平樂附城有滴翠貞心兩亭慈航一閣及感應泉亭皆余所創葺南鄉有珠嵒白雲嵒粉嵒北鄉有目嵒余皆

經涉其略具載樂川新咏比于桂林不足當勝辭矣

鄭圭

記

二曹祠

由平樂至桂林有兩道一江行一陸行陸經陽朔青山夾路者數十里大佳江邊亦有洞壑而淺亭閣荒蕪能始先生創建二曹祠皆唐人能詩謝在杭曾合刻其集

記
鄭圭

武侯兵書匣

廣西全州山上有武侯兵書木匣歲或一換新板于外
予舊曾聞之未信今大中丞顧東橋云親見

七修類稿

榕樹門

桂林榕樹門即古南門在府治西楊基詩榕樹城門却
倒垂即此相傳為唐時所築門上植榕一株歲久其根
生跨門內外盤錯至地若天成焉因名元至正間樹忽
枯平章唐兀公祭之旬餘枝葉復茂衆以為異後建闢
侯祠在其上明洪武八年展南城凡舊南城率毀去惟

存此門弘治癸亥副總兵毛倫新之萬曆戊寅夏雷震
火其像都督王世科復修

桂林府志下同

慶林觀

慶林觀在桂林七星山下唐太宗幸九成宮觀桂州所
貢瑞石文有曰聖主大吉子孫五千歲顧謂李靖曰碧
桂之林蒼梧之野大舜隱真之地達人遁迹之鄉觀此
瑞文如符所兆公可一巡乎乃授靖檢校桂州總管靖
至考所得石之地置觀其表以聞賜名曰慶林觀有四

峰東曰日華南曰拱極北曰紫微中曰碧桂峰之南有
三峰相連又置觀曰七星因山而名也

綠珠玉邃

綠珠玉邃尸滲土花班駿如繡云自巢賊發宋諸陵邃
殉宮人宋偉後入交趾清夜聞謌每能自叫槃公以名
馬五十匹易之赤雅下同

西嶽真蹟


李衛公少年憤隋亂上書西嶽文最激昂後為桂州行

兵總管刻于勾漏其真蹟用黃絹書上半元時燬於火後半餘四十字筆法遒勁激昂青雲其波掠處如快劍斫馬今入雲潭娘家余跋其後

桂林石

顏延之守始安載石峰長三丈過洞庭風雷拔舟石沉風息其石原出獨秀山延之詩云未若獨秀者峨峨郭郭間今桂林石峰長二丈許潔白有態者價不過四十分皆市於王孫家其長四五丈者有神守之人不敢動

石工望之而走



粵西叢載卷十六